



Nuuk, 7. Oktober 2015

Inatsisartut Suleriaasianni § 37 naapertorlugu Naalakkersuisunut meeqqanut inuusuttunullu inatsisissamat tunngasumik apeqquteqarpunga.

(Inatsisartunut ilaasortaq Agathe Fontain, Inuit Ataqatigiit)

### **Apeqquit:**

1. Meeqqanut inuusuttunullu inatsisissap suliarinerani Naalakkersuisut qanoq kommunit suleqatiginiarpaat?
2. Naalakkersuisut pissusissamisoortippaat inatsimmi iluaqutaasussat taamak sivisitigisumik utaqqissunnissaat?
3. Innarluutilinnut inatsisip utaqqinissaa pingaaruteqarpat, sooq Naalakkersuisut 2013-mili tamanna anguniarsimanngilaat?

### **Tunngavilersuut:**

Paasivarput Naalakkersuisut aatsaat 2017-mut Meeqaanut inuusuttunullu inatsisissaq aatsaat inatsisartunut saqqummiunnaraat. Tunngavilersuutigalugu Innarluutilinnut inatsisissamat ataqatigiissaarneqarnissaa.

Tamatuma kingunerissaasa ilagissavaat sagsbehandlerit suliaasa amerlassusaannik killiliinissaq kinguartinneqartoq. Tamanna uggornarluinnarpoq.

Inuit Ataqatigiit 2014-mi uparuartugaat annerpaaq uaniippoq, ulluinnarni inatsimmik atuutsitsisussat, kommunit, tusarniarneqarsimmamata suliffiusuni ulluni 15-ni. Kommuninilu politikikkut akisoqarsimanngimmat. Kommunillu marluinnaat allaffissornikkut akisimmamata piffissakippallaarsimallutik.

Kommunit suleqataappata, inatsisip atuutsinnissaa piareersarfigineqaluarnersagaluarmat.

Naalakkersuisut Inuit Ataqatigiit isumaa pingaartissimmamassuk qujanaraluartoq, isumaqarpugut inatsisissaq Inatsisartunut suliakkiutigineqassasoq periarfissaq siullerpaaq atorlugu 2017-mut utaqqissunnagu. Inatsisissami siunertaamat sagsbehandlerit artukkerumanagit suliaasa amerlassusissaata qummut killiliinissat.

Ullut suliffiusut qulit iluanni apeqquit tamakkerlutik akineqarnissaat qinnutigissavara.